

# Te au tātā'anga no te Cabinet

## 'O'ora'anga i te au tātā'anga ki runga i te kupenga uira a te Kavamani

Te Minita & te turanga 'anga'anga	Hon Jan Tinetti, Associate Education (Te 'Akateretere'anga i te au 'Api'i)
Te ingoa o te ko'u	Te 'Ākara'anga-matatio i te Anoano Tauturu e 'Inangaro Pakari ia nei (Highest Needs Review): 'Aka'oki'anga ripōti ki te Cabinet
Te rā e tāmanako'ia nei	Rā 7 o Noema i te mata'iti 2022
Te rā e 'o'ora'ia ei ki va'o	Rā 17 o Noema i te mata'iti 2022

Kua tukuna'ia teia au tātā'anga ki runga i te kupenga uira a te Kavamani:

**Tātā'anga a te Cabinet: Te 'Ākara'anga-matatio i te Anoano Tauturu e 'Inangaro Pakari ia nei (Highest Needs Review): 'Aka'oki'anga ripōti ki te Cabinet**

Te rā e tāmanako'ia nei: rā 7 o Noema i te mata'iti 2021  
Tātā'ia e te: Associate Minister o te Turanga 'Āpi'i

**Te Miniti a te Cabinet: CAB-22-MIN-0490**

Te rā e tāmanako'ia nei: rā 7 o Noema i te mata'iti 2022  
Tātā'ia e te: 'Ōpati o te Cabinet

**Te Miniti a te Cabinet: SWC-22-MIN-0188**

Te rā e tāmanako'ia nei: rā 26 o 'Okotopa i te mata'iti 2022  
Tātā'ia e te: 'Ōpati o te Cabinet

**Te 'Ākara'anga-matatio i te Anoano Tauturu e 'Inangaro Pakari ia nei: Te au mea pu'apinga ki te aronga e 'anga'anga ana ki raro ake i teia turanga (stakeholders)**

Te rā e tāmanako'ia nei: rā 11 o 'Aukute i te mata'iti 2022  
Tātā'ia e te: New Zealand Council for Educational Research

### Te au mea kare i 'akaāri'ia mai

Kua 'akakore'ia teta'i au mea i roto i te au tātā'anga, i te mea e, kare te au 'akakitekite'anga tei 'akapae'ia atu, i raro ake i te turanga 'anga'anga a te Minita, e kare e tau ana no te tuku atu ki runga i te kupenga uira a te Kavamani.

Tei raro ake i te au turanga no te 'akapae'anga i te Ture, tei 'akapapa'ia ki raro ake nei:

Tu'anga 9(2)(f)(iv) te pāruru'anga i te muna o te arataki'anga a te au Minita o te Kavamani, e te aronga tei 'akamana'ia

Ka rauka iā koe i te tatau atu i te Official Information Act 1982 ki konei:  
<http://legislation.govt.nz/act/public/1982/0156/latest/DLM64785.html>

## I raro ake i te turanga Muna

Te ‘ōpati o te Associate Minister of Education Social Wellbeing Committee

## Te ‘Ākara‘anga-matatio i te Anoano Tauturu e ‘Inangaro Pakari ia nei (Highest Needs Review): ‘Aka‘oki‘anga ripōti ki te Cabinet

### Tāmanako‘anga

- 1 I muri ake i teta‘i ‘ākara‘ia‘anga-matatio o te au turu no te au tauira tei raro ake i te turanga anoano tauturu pakari rava atu no te tāmou‘anga ‘āpi‘i, te ‘inangaro nei teia tātā‘anga kia ‘akatika te Cabinet i te ‘akatupu i teta‘i rāvenga ‘ōu, i te turu‘anga i teia au tauira. Te ‘inangaro‘ia nei teta‘i tika‘anga, kia ‘akatupu‘ia teta‘i rāvenga tukatau i raro ake i teia turanga, kia ‘akapae‘ia teta‘i pūtē-moni, no te ‘akatupu‘anga i teia rāvenga tauī‘anga.

### Te ‘ātui‘anga ki te au mea pu‘apinga rava atu a te kavamani

- 2 Te ‘ātui nei teia ‘Ākara‘anga-matatio i te tauturu anoano e ‘inangaro pakari ia nei (te Review) ki te koreromotu a te Labour Party no runga i te Education Policy no te ‘iki‘anga kavamani i te mata‘iti 2020. Te ‘irinaki nei teia i te ‘ōpara atu kia pu‘apinga te au ‘akakoro‘anga e rima a te Kavamani, no runga i te turanga ‘āpi‘i. Te turu katoa nei teia, i te pu‘apinga o te Child and Youth Wellbeing Strategy a te Kavamani, e pērā katoa, ta ratou ‘irinaki‘anga no runga i te ‘ōronga‘anga i te tauī‘anga mātūtū no te iti tangata pakipakitai, e te ma‘ani‘anga ia Aotearoa, kia riro mai ei ngā‘i meitaki rava atu no teta‘i ua atu tamaiti.

### Ko‘u‘ko‘u‘anga Tuatua

- 3 I te rā 1 o Tepetema, i te mata‘iti 2021, kua ‘akatika te Cabinet i te ‘ākara meitaki (scope), e te turanga o te ‘anga‘anga (terms of reference) no te ‘Ākara‘anga-matatio, kia ripōti‘ia ki te Cabinet i roto ia Okotopa, i te mata‘iti 2022 [CBC-21-Min-0082 refers].
- 4 Kua roa ana te tuātau i te ‘inangaro‘anga te aronga e ‘anga‘anga nei i roto i te turanga ‘āpi‘i, te pakipakitai, e te au metua, i te ‘Ākara‘anga-matatio, e kua kitena mai e te ‘ākara‘anga-matatio, te au ‘akairo takataka meitaki, no runga i te au mea taukore i raro ake i te turanga. Noātu te ma‘ata o te pūtē-moni ta te Kavamani i tuku ki roto i te au rāvenga turu i te tāmou‘anga ‘āpi‘i i roto i te au rima mataitī i topa ake nei, te vai nei rāi te au tauira kare e tu ana i te turu‘anga e anoano ra ratou, e te vāito‘ia nei te au turanga tauturu.
- 5 No roto mai te au kite pu‘apinga a te ‘Ākara‘anga-matatio, i te ‘anga‘anga tei rave‘ia e te Māraurau o te Pae ‘Āpi‘i (te Māraurau) i te ‘uri‘uri‘anga manako ki roto i te ‘iti tangata no te ‘Ākara‘anga-matatio, e kua vāito meitaki ia e te Social Wellbeing Agency (SWA), na roto i te tā‘anga‘anga‘anga i te Integrated Data Infrastructure, e te au kite mei ko mai i te au vāito‘anga a te Education Review Office (ERO), no runga i te au rāvenga no te au tauira pakipakitai i roto i te au Turanga ‘Āpi‘i Punanga, e te au ‘āpi‘i.

## I R A R O A K E I T E T U R A N G A M U N A

- 6 Kua kitena'ia e te 'Ākara'anga-matatio e, kare e rava ana te turu'anga i roto i te turanga tauturu, e, e ma'ata roa te au tauira kare e tu ana i te turu tāmou'anga 'āpi'i e anoano'ia ra. Te karanga nei te vāito'anga a te SWA e, no teta'i 'itu tamariki e turu'ia nei, te vai ra e toru, e anoano 'inangaro pakari atu to ratou i roto i teta'i tuātau o te kaveinga o to ratou teretere'anga na roto i te turanga 'āpi'i. Ka tukia te turanga o te ora'anga, te turanga ngakau, e te turanga 'āpi'i, teia au tauira.
- 7 Tei roto te au tu manatā no teia au tauira e to ratou kōpu tangata, te 'akapae'ia'anga, me kore ra, kare e 'inangaro'ia ana e te 'āpi'i o te 'oire, me kore ra, e te 'āpi'i e 'inangaro ra ratou, e te ngatā i te tomo'anga atu ki roto i te au turu'anga e vai nei, e te taukore o te au rāvenga pati tauturu, e te au tākotinga'anga taukore.
- 8 Tei roto te au tu manatā no te au turanga 'āpi'i punanga, e te au 'āpi'i, te ravakore, e te taukore o te au rāvenga pati'anga tauturu e te turu, e te tāvarevare o te turu'anga, e te 'irinaki-kore. Kare e rava ana te aronga arataki, e te au pu'āpi'i i roto i te turanga 'āpi'i, te mātūtū ra i te turu'anga i te au tauira e anoano pakari ra i te tauturu i roto i te 'āpi'i punanga, me kore ra, i te pi'a 'āpi'i.
- 9 Te 'irinaki nei teia Kavamani, kia tupu teta'i turanga 'āpi'i mā'ora'ora ua atu no te iti tangata, e ngā'i ka rauka i teta'i tamaiti anake i roto i Aotearoa, noātu to ratou turanga 'iti tangata, me kore ra, manatā i roto i te tāmou'anga 'āpi'i, te 'openga o to ratou pu'apinga, e kia ngarungaruā i roto i to ratou teretere'anga na roto i te turanga 'āpi'i.
- 10 Te 'anga'anga nei te Māraurau i te 'akanekē, kia rauka teta'i rāvenga 'āpi'i mā'ora'ora, no te au tauira katoatoa. Tei roto i teia, te tā'anga'anga'anga i teta'i 'akapapa'anga tāmatamata 'ōu, ko Te Tūāpapa o He Pikorua (Te Tūāpapa – 'ākara'ia te Figure 1). Te 'irinaki nei Te Tūāpapa, i te tuku i te tauira, e to ratou kōpu tangata, ki rotopu tikāi i te 'iki'iki'anga manako.
- 11 Te turu nei Te Tūāpapa i te tauī'anga e anoano'ia nei i roto i te au 'ākono'anga, e te tū o te tangata ki te turanga 'ārikiriki. Na roto i te 'akanekē'anga i teia au tū, e teia au 'ākono'anga ta'ito, no runga i te anoano e 'inangaro'ia nei no te tāmou'anga 'āpi'i, e arataki ia tatou ki teta'i o te kaveinga i te 'akatano'anga i teia au manatā pakari, i roto i te turanga tauturu. Ka tauturu te au Learning Support Coordinators, i te turu i teia 'akanekē'anga, ei tu'anga i roto i ta ratou tāmou'anga 'āpi'i i roto i te 'oire.
- 12 Inā ra, te 'inangaro'ia nei teta'i atu au tauī'anga mama'ata atu, i te neke'anga mei teta'i rāvenga tauturu te ketaketa ra, te 'ākara ra i te tua kauī, e te au turanga tauturu te rave tātakita'i ra, i ta ratou ake rāvenga. Me kare a tatou turanga tauturu tano, ka ira mai te au vā i roto i te turu'anga, e ka tupu ua atu rāi te au mea taukore, no te au tauira, e anoano pakari nei i te tauturu.
- 13 I te 'akatanotano i teia, te tāmanako atu nei au, kia 'akatika te Cabinet, ki teta'i turanga tauturu 'ōu no te turu'anga i te au tauira, e anoano pakari nei i te tauturu. Kua 'akatakataka mai te 'Ākara'anga-matatio e, te anoano'ia nei teta'i tauī'anga pu'apinga rava atu, kia tupu te turanga o te rave'anga i te turu'anga tāmou 'āpi'i.
- 14 Te tāmanako atu nei au i teta'i 'ākara'anga ka'iro'ia, te 'akakoro ra i te 'anga i teta'i 'anga'anga ta'okota'i'anga, i rotopu i te tauira, to ratou kōpu tangata, e te turanga 'āpi'i punanga, me kore ra, 'āpi'i. Ka 'akamana teia rāvenga 'anga'anga ta'okota'i'anga, i te au tauira, e te au kōpu tangata, i te 'aka'aere i te turu'anga tau no ratou 'uā'orāi. Ka 'ōronga teia i te au kaveinga ra'ira'i ua atu, e te au rāvenga tomo'anga ki roto i te au turu'anga tūkētūkē, tei runga ua i te mea pu'apinga rava atu te ka 'anga'anga no te tamariki/māpu tamariki, e to ratou kōpu tangata.

- 15 Kua tango‘ia te ‘akatupu‘ia‘anga teia rāvenga ‘ōu, ki runga i te Enabling Good Lives (EGL) principles<sup>1</sup> e te Ka Hikitia – Ka Hāpaitia (Ka Hikitia) outcome domains.<sup>2</sup> Te au ‘irinaki‘anga pu‘apinga rava atu:
- 15.1 Te anoano kia ‘anga‘ia, kia ma‘ata atu te au ‘iki‘anga, e te ‘aka‘aere‘anga no te au tauira, e to ratou au kōpu tangata, i te ‘iki‘anga i te turu tau no ratou ‘uā‘orāi;
  - 15.2 Māmā ua i te Māori whānau, e te au kōpu tangata no te Moana-nui-o-Kiva, e te au ‘oire tangata, i te tomo‘anga atu ki roto i te au tu turu‘anga e vai nei, i roto i te au turanga tauturu, te ‘akangāteitei nei i to ratou turanga, reo, e te peu/‘ākono‘anga;
  - 15.3 Ka rauka i te au tauira i te tomo atu ki roto i teta‘i ‘āpi‘i‘anga ‘ārikiriki, tei ‘āiteite ki te katoatoa, kia tere ki mua, e kia pu‘apinga, na roto i te kaveinga o ta ratou ‘āpi‘i.
- 16 Kua kite au e, e ma‘ata atu te ‘anga‘anga e vai nei, i te ‘ākara‘anga meitaki i ta te EGL ka rave, i roto i te turanga ‘āpi‘i, i raro ake i te au turanga tūkētūkē. Te ‘irinaki nei au i te Māraurau kia ‘anga‘anga ta‘okota‘i ki roto i te Whaikaha, kia mārama i teia, e kia ‘anga i te au tauī‘anga ka ‘inangaro‘ia, i roto i te tuātau ‘akapapa‘anga, e te tā‘anga‘anga‘anga i te rāvenga kā‘iro‘iro‘ia.
- 17 Tei roto i teia turanga ‘ōu, e ‘itu pi‘a-patu no te tauī‘anga:
- 17.1 Teta‘i rāvenga ‘ōu no te tā‘anga‘anga‘anga i te turanga ‘ōu;
  - 17.2 Te au turu‘anga tei ‘akatanotano‘ia no teta‘i anake;
  - 17.3 Teta‘i ‘ātuitui‘anga ‘āpi‘i te ‘anga‘anga ta‘okota‘i ra, e te ‘ārikiriki;
  - 17.4 Te au turu‘anga tāmou ‘āpi‘i, no te au tauira Māori e to te Moana-nui-o-Kiva, e to ratou whānau, e to ratou au kōpu tangata, tei ‘akatupu‘ia e te Māori, e te aronga no te Moana-nui-o-Kiva;
  - 17.5 Teta‘i pupu tangata-‘anga‘anga tukatau e te mātūtū, te ka rave meitaki i te ‘anga‘anga;
  - 17.6 Teta‘i turanga pūtē-moni, no te turu i teta‘i rāvenga tei ‘akatanotano‘ia, e te māmā i te rave; e te
  - 17.7 ‘Anga‘anga ta‘okota‘i‘anga pakari atu, ki roto i teta‘i atu au turanga tauturu.
- 18 E mātūtū te au pi‘a-patu, e au tauī‘anga tau ki te roa‘anga-tuātau, te ka ‘inangaro i te tuātau no te ‘akatupu‘anga e te rave‘anga kia pu‘apinga, e te pūtē-moni na roto i te tuātau. No reira, kua pati atu au i te Māraurau kia ‘anga i teta‘i Business Case i te, ‘akapapa i te pūtē-moni, no te ‘akakpapa‘anga turanga ‘ōu. Ka ripōti atu au no runga i te Business Case, e te porokarāmu ‘anga‘anga i te turu i te tā‘anga‘anga‘anga i te turanga kā‘iro‘iro‘ia, ki te Cabinet i roto i te mārama Tiunu, i te mata‘iti 2023. Ka ‘ōronga atu teia porokarāmu ‘anga‘anga, i te kaveinga no te tauī‘anga, na roto i te rua, rima, e te ta‘inga‘uru mata‘iti e tu mai nei.

<sup>1</sup> Enabling Good Lives principles: ‘Akapu‘apinga‘anga mana, ‘akamata‘anga vave, te manako‘anga i te tangata anake, māmā ua i te tā‘anga‘anga, te au ‘irinaki ora‘anga tangata, te ngakau ‘akakoro, te patu‘anga i te au piri‘anga.

<sup>2</sup> Ka Hikitia outcome domains: Te Tangata, Te Whānau, Te Kanorautanga, Te Tuakiritanga, Te Rangatiratanga.

## I R A R O A K E I T E T U R A N G A M U N A

- 19 E mea pu‘apinga kia tā‘anga‘anga tatou i ta tatou i kite, no roto mai i te ‘Ākara‘anga-matatio, i te ma‘ani i te au tauī‘anga te ka rauka ia tatou i teia ‘ati‘anga. [9(2)(f)(iv)]  
REDACTED] Inā rā, kare teia e ‘anga i te au tauī‘anga mama‘ata ki ta tatou e kite nei, me kore ra, e ‘anga vave i te au tauī‘anga te ka tāmanamanatā.

Figure 1: Te Tūāpapa

